

ОБРАЗЦЫ ТЕКСТОВ К ЭКЗАМЕНУ ПО ЛАТИНСКОМУ ЯЗЫКУ

16 et praeteriens secus mare Galilaeae vidit Simonem et Andream fratrem eius mittentes retia in mare, erant enim piscatores.

17 et dixit eis Iesus: venite post me, et faciam vos fieri piscatores hominum.

18 et protinus, relictis retibus, secuti sunt eum.

19 et progressus inde pusillum vidit Iacobum Zebedaei et Iohannem fratrem eius, et ipsos in navi componentes retia;

20 et statim vocavit illos. et, relicto patre suo Zebedaeo in navi cum mercennariis, secuti sunt eum.

29 et protinus egredientes de synagoga venerunt in domum Simonis et Andreae cum Iacobo et Iohanne.

30 decumbebat autem socrus Simonis febricitans, et statim dicunt ei de illa.

31 et accedens elevavit eam adprehensa manu eius, et continuo dimisit eam febris, et ministrabat eis.

32 vespere autem facto, cum occidisset sol, adferebant ad eum omnes male habentes et daemonia habentes;

33 et erat omnis civitas congregata ad ianuam.

34 et curavit multos, qui vexabantur variis languoribus, et daemonia multa eiciebat et non sinebat loqui ea, quoniam sciebant eum.

35 et diluculo valde surgens, egressus abiit in desertum locum ibique orabat.

36 et persecutus est eum Simon, et qui cum illo errant.

37 et cum invenissent eum, dixerunt ei: omnes quaerunt te.

38 et ait illis: eamus in proximos vicos et civitates, ut et ibi praedicem, ad hoc enim veni .

39 et erat praedicans in synagogis eorum per omnem Galilaeam et daemona eiciens.

40 et venit ad eum leprosus deprecans eum et, genu flexo, dixit: si vis, potes me mundare.

41 Iesus autem, misertus eius, extendit manum suam et tangens eum ait illi: volo, mundare!

42 et cum dixisset, statim discessit ab eo lepra et mundatus est.

1 et iterum intravit Capharnaum post dies, et auditum est quod in domo esset.

2 et convenerunt multi, ita ut non caperet neque ad ianuam, et loquebatur eis verbum.

3 et venerunt ferentes ad eum paralyticum, qui a quattuor portabatur.

4 et cum non possent offerre eum illi prae turba, nudaverunt tectum, ubi erat, et patefacientes submiserunt grabattum, in quo paralyticus iacebat.

5 cum vidisset autem Iesus fidem illorum, ait paralytico: fili, dimittuntur tibi peccata.

13 et egressus est rursus ad mare, omnisque turba veniebat ad eum, et docebat eos.

14 et cum praeteriret, vidit Levin Alpei sedentem ad teloneum et ait illi: sequere me. et surgens secutus est eum.

15 et factum est cum accumberet in domo illius, multi publicani et peccatores simul discumbebant cum Iesu et discipulis eius, erant enim multi et sequebantur eum.

16 et scribae et Pharisei, videntes quia manducaret cum peccatoribus et publicanis, dicebant discipulis eius: quare cum publicanis et peccatoribus manducat et bibit magister vester?

17 hoc audito, Iesus ait illis: non necesse habent sani medicum, sed qui male habent; non enim veni vocare iustos, sed peccatores.

23 et factum est iterum, cum sabbatis ambularet per sata, et discipuli eius coeperunt praegredi et vellere spicas.

24 Pharisei autem dicebant ei: ecce, quid faciunt sabbatis, quod non licet?

25 et ait illis: numquam legistis, quid fecerit David, quando necessitatem habuit et esuriit ipse et qui cum eo errant?

26 quomodo introiit in domum Dei sub Abiathar principe sacerdotum et panes propositionis manducavit, quos non licet manducare nisi sacerdotibus, et dedit eis, qui cum eo errant?

27 et dicebat eis: sabbatum propter hominem factum est, et non homo propter sabbatum;

28 itaque dominus est Filius hominis etiam sabbati.

1 et introivit iterum synagogam, et erat ibi homo habens manum aridam.

2 et observabant eum, si sabbatis curaret, ut accusarent illum.

3 et ait homini habenti manum aridam: surge in medium.

4 et dicit eis: licet sabbatis bene facere an male? animam salvam facere an perdere? - at illi tacebant.

5 et circumspiciens eos cum ira, contristatus super caecitatem cordis eorum, dicit homini: extende manum tuam. et extendit, et restituta est manus illi.

6 exeuntes autem statim Pharisei cum Herodianis consilium faciebant adversus eum, quomodo eum perderent.

7 et Iesus cum discipulis suis secessit ad mare, et multa turba a Galilaea et Iudaea secuta est eum,

8 et ab Hierosolymis et ab Idumea; et qui trans Iordanen et circa Tyrum et Sidonem, multitudo magna, audientes, quae faciebat, venerunt ad eum.

9 et dixit discipulis suis, ut navicula sibi deserviret propter turbam, ne conprimerent eum.

10 multos enim sanabat ita, ut inruerent in eum, ut illum tangerent quotquot habebant plagas.

11 et spiritus inmundi, cum illum videbant, procidebant ei et clamabant dicentes:

12 tu es Filius Dei! et vehementer comminabatur eis, ne manifestarent illum.

20 et veniunt ad domum, et convenit iterum turba ita, ut non possent neque panem manducare.

21 et cum audissent sui, exierunt tenere eum, dicebant enim quoniam in furorem versus est.

22 et scribae, qui ab Hierosolymis descenderant, dicebant, quoniam Beelzebub habet et quia in principe daemonum eicit daemonia.

23 et convocatis eis, in parabolis dicebat illis: quomodo potest Satanus Satanam eicere?

24 et si regnum in se dividatur, non potest stare regnum illud;

25 et si domus super semet ipsam dispertiatur, non poterit domus illa stare;

26 et si Satanus consurrexit in semet ipsum, dispertitus est et non potest stare, sed finem habet.

35 et ait illis illa die, cum sero esset factum: transeamus contra.

36 et dimittentes turbam, adsumunt eum, ita ut erat in navi, et aliae naves erant cum illo.

37 et facta est procella magna venti, et fluctus mittebat in navem, ita ut impleretur navis.

38 et erat ipse in puppi supra cervical dormiens, et excitant eum et dicunt ei: magister, non ad te pertinet quia perimus?

39 et exsurgens comminatus est vento et dixit mari: tace, obmutesce! et cessavit ventus, et facta est tranquillitas magna.

40 et ait illis: quid timidi estis? necdum habetis fidem?

41 et timuerunt magno timore et dicebant ad alterutrum: quis putas est iste, quia et ventus et mare oboediunt ei?

К текстам могут быть предложены следующие вопросы:

1. Определить склонение и падеж существительных
2. Определить времена глаголов, выделить отложительные глаголы
3. Выделить причастия. Определить их вид и падеж
4. Найти *coni.*, объяснить форму
5. Найти *Acc. cum inf.*
6. Найти *Abl. Absol.*
7. Выделить придаточные предложения, объяснить их тип и форму глагола.